



UNIVERSITÄTS-
BIBLIOTHEK
PADERBORN

**De Vita Et Rebus Gestis Christophori Bernardi Episcopi Et
Principis Monasteriensis Decas**

Alpen, Johann von

Coesfeldiae, 1694

87. Batavi neglectis Lunæburgicis.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

gumentum plerique explicabant, quod ne 1665.
tantillum inermi paucorum turbæ fideretur,
præsertim cum lustrato jam ante per militem
Collegio, sub excussis etiam lectis, vestigata
Martis arma, nulla nisi Palladis invenissent.
Leo ab *Aitzema* industrius rerum Hollandi-
carum observator, miratum se, scribit, ista Sa-
cerdotum, Patrumque exilia; cum *Francia*
Rex Catholicus adversus Episcopum pro
Rep. pugnaret; & contra Monasteriensis fo-
cium haberet *Britannum*; Fautorem verò
Sueciæ Regem; & utrumque Evangelicum;
nihil profectò Religionem cum hisce tribus
commercij habuisse. Certè contempta pro-
tectio, & in Urbe sua, Electorem ægrè ha-
buit, sed iram tunc dissimulavit, compendio
majore brevi compensandam.

At *Lunaburgici* Principes, adversus Mo- 87.
nasteriensem, Ordinibus Confœderati, quod *Batavi*
militem terris suis onerosum, in unito Bel- *neglectis*
gio hospitari mallent, paratum jam offere- *Luna-*
bant; monebantque per Ablegatos suos, *Wen-*
burgicis.
saliæ præsentem, designari locum, quo copiis
Batavorum suæ conjungi possent. Id verò
perincommodum nunc, inque proximum Ver
rejiciendum. *Nassovio* respondente, promissa
militum stipendia deposcunt. Hactenus
enim ex ære convento solutum nihil; nam
mercator, *Campforis Amstelodamensis* colly-
bo, pecunias *Hamburgi* numeraturus, foro
cesse-

1665. cesserat, magno partium detrimento. Sed
 Ordines utiliore tunc Reip. *Brandenburgicum* Electorem rati, utpote vicinum, potentem, armatum; in foedus cum eo ferendum, uti quotidie procliviores, ita neglectis quamdiu *Lunaburgicis*, omnes propè curam in id convertebant. Quas haud parum intendisse visa est suspicio Batavis, ex hoc nam quod *Linga*, aliisque ditionibus Principis *Auriaci* Monasteriensis Antistes parceret, ea propter cum *Brandenburgico*, veluti Tutore, nec semel à Batavis offenso, secretam colere societatem crederetur.

88. Sed & suppetiæ à *Danis*, à *Suecis* pari Britannorum, Batavorumque industriam sollicitabantur, ut vel obtinerent ipsi promissas, aut praeperirent in aliis desperatas. Quem ad *Christophorum Bernardum* ex Anglia ablegaverat Carolus Rex, salutatis exin *Lunaburgicis*, aliisque Imperij Principibus, ad ipsum denique Caesarem progressus, auxilia Monasteriensi implorabat. Et quanquam *Christophorus Bernardus* missio jam antè *Oenipontina* (quippe *Leopoldus* Imperator, ab obitu *Sigismundi Francisci* Archiducis, devolutam ad se *Tyrolina* adierat) *Georgio Christiano Hasso-Homburgensi*, parem æmulatione Gallorum sperabat, sponsam ab Austriacis operam frustra tamen eventus docuit expectasse. Intercederat namque Hispani Regis *Philippi*